


三輔黃圖

(一)



據國家圖書館藏元致和元  
年余氏勤有堂刻本影印原  
書版框高十八·六釐米寬  
十一·九釐米



三輔黃圖

東



三輔黃圖序



易曰上古穴居而野處後世聖人易之以宮  
室上棟下宇以待風雨蓋取諸大壯三代盛  
時未聞宮室過制秦穆公居西秦以境地多  
良材始大宮觀戎使由余適秦穆公示以宮  
觀由余曰使鬼爲之則勞神矣使人爲之則  
苦人矣是則穆公時秦之宮室已壯大矣惠  
文王初都咸陽取岐雍巨材新作宮室而臨  
渭北踰涇至於離宮三百復起阿房未成而  
亡至始皇并滅六國憑藉富彊益爲驕侈殫  
天下財力以事營繕項羽入關燒秦宮闕三  
月火不滅漢高祖有天下始都長安寔曰西  
京欲其子孫長安都於此也長安本秦之鄉  
名高祖作都  
至孝武皇帝承文景菲薄之餘恃邦國阜繁  
之資土木之役倍秦越舊斤斧之聲畚鍤之  
勞歲月不息蓋騁其邪心以夸天下也昔孔

子作春秋築一臺新一門必書于經謹其廢  
農時奪民力也今哀採秦漢以來宮殿門闕  
樓觀池苑在關輔者著于篇曰三輔黃圖云  
東都不與焉

右三輔黃圖梅州李刻也是書載秦  
漢宮室苑囿為甚脩顏師古漢書彩注  
多取焉然不載撰者名氏唐書藝文志  
有三輔黃圖一卷列於地理類之首而  
不云何人作也吾間多用應劭漢書集  
解劭後漢建安村人至魏人如淳注漢  
書復引此圖以為據以此考之乃非漢  
魏間人所作邪世無板刻傳寫多魯魚  
之誤凡得校本以相參核其或未有證  
據疑以傳疑不敢斷以臆說云時紹興  
癸酉七月朔旦左迪功郎妣學教授苗

昌言題

三輔黃圖目錄

○卷之一

三輔沿革

三輔治所

京兆

馮翊

扶風

咸陽故城

秦宮駝道

葭陽宮

穽陽宮

西垂宮

平陽封宮

橐泉宮

步高宮

步壽宮

虢宮

長楊宮

蕪年宮

梁山宮

信宮

興樂宮

朝宮

阿房宮

蘭池宮

鐘宮

雲閣

望夷宮

林光宮

漢長安故城

秦漢風俗

都城十二門

霸城門

清明明

宣平門

覆盜門

鼎路門

便門

章城門

直城門

雍門

洛門

厨城門

橫門





長安九市

長安八街

長安城中閭里

漢宮

長樂宮

未央宮

建章宮

桂宮

北宮

甘泉宮

○卷之三

長樂宮

鴻臺殿

臨華殿

溫室殿

長信宮

未央宮

宣室殿

溫室殿

清涼殿

宣明殿

廣明殿

昆德殿

玉堂殿

麒麟殿

金華殿

承明殿

掖庭宮

椒房殿

昭陽殿

飛翔殿

增成殿

合歡殿

蘭林殿

披香殿

鳳凰殿

鴛鴦殿

安處殿

常寧殿

蒞若殿

椒風殿

發越殿

薰草殿

高門殿

非常殿

織室

凌室

暴室

弄田

內謁者署

金馬門

路軫廡

建章宮

駘蕩宮

馭安宮

天梁宮

枹詣宮

奇華殿

鼓簧宮

神明臺

北宮

壽宮

明光宮

太子宮中甲觀畫堂

甘泉宮

鈎弋宮

昭臺宮

長定宮

長門宮

永信宮

中安宮

儲元宮

大臺宮

葡萄宮

步壽宮

梁山宮

黃山宮

回中宮

三良宮

集靈宮

集仙宮

存仙殿

存神殿

望仙臺

望仙觀

棠梨宮

竹宮

宜春宮

扶荔宮

五柝宮

宣曲宮

鼎湖宮

思子宮

萬歲宮

首山宮

明光宮

池陽宮

養德宮

日華宮

曜華宮

此二宮不在三輔

○卷之四

苑圃

周靈圃

漢上林苑

甘泉苑

御宿苑

思賢苑

博望苑

西郊苑

三十六苑

樂游苑

宜春下苑

梨園

池沼

周靈沼

漢昆明池

鎬池

滄池

太液池

唐中池

百子池

十池在上林苑

飲飛外池

秦酒池

影娥池

琳池

鶴池

冰池

○卷之五

臺榭

周靈臺

漢靈臺

栢梁臺

漸臺

神明臺

通天臺

涼風臺

魚池臺

酒池臺

著室臺

鬪雞臺

走狗臺

壇臺

韓信射臺

果臺

東西山臺

鈎弋臺

通靈臺

望鵠臺

眺瞻臺

挂臺

商臺

避風臺

長楊榭

辟離

周辟離

漢辟離

明堂

周明堂

漢明堂

圜丘

太學

宗廟

太上皇廟

高祖廟

高園

原廟

惠帝廟

文帝廟

景帝廟

武帝廟

昭帝廟

宣帝廟

元帝廟

成帝廟

寢廟園

新室九廟

南北郊

天郊

地郊

甘泉園丘

后土汾陰

社稷

官社

官稷

觀樓館

豫章觀

飛廉觀

屬玉觀

青梧觀

射熊觀

石闕觀

玃巒觀

白楊觀

長平觀

龍臺觀

涿沐觀

細柳觀

成山觀

僊人觀

霸昌觀

蘭池觀

安臺觀

淪沮觀

禁觀

董賢觀

蒼龍觀

當市觀

旗亭樓

馬伯鸞樓

麒麟館

朱雀館

龍興館

含章館

○卷之六

閣

石渠閣

天祿閣

麒麟閣

未央宮堯閣

白虎閣

屬車閣

署

虎威

章溝

八瑩

庫

武庫

靈金內府

倉

大倉

細柳倉

嘉倉

廐

未央大廐

六廐

九廐

霸昌馬廐

都廐

中廐

園

秦獸園

漢獸園

虎園

橋

橫橋

渭橋

霸橋

便門橋

飲馬橋

陵墓

漢十五陵

王莽妻億年陵

雜錄

禁中

省中

鹵簿

清道

靜室

離宮

行在所

陛下

鹵館

蠶室

鍾室

作室

長安御溝

闕觀

塾

城

掖門

闈闈

永巷


蠻夷郎

關中八水

三輔黃圖目錄畢

致和戊辰夏五  
余氏勤有堂刊







三輔黃圖

(三)



三輔黃圖

南

三輔黃圖卷之一

三輔沿革



禹貢九州舜置十二牧雍其一也古豐鎬之地平王東

遷以岐豐之地賜秦襄公至孝公始都咸陽秦孝公十

北作咸陽徙都之咸陽在九峻山渭水北山水俱在南故名咸

陽秦并天下置內史以領關中項籍滅秦分其地為三

以章邯為雍王都廢立今興平縣地司馬忻為塞王都櫟陽

董翳為翟王都高奴今延州金明縣謂之三秦漢高祖入關定

三秦元年更為渭南郡九年罷郡復為內史五年高帝

在洛陽婁故說曰夫秦地被山帶河四塞以為固卒然

有急百萬眾可立具因秦之故資甚美膏腴之地此所

謂天府陛下入關而都之山東雖亂秦故地可全而有

也又田肯賀高帝曰陛下治秦中秦形勢之國帶河阻

山持戟百萬秦得百二焉地勢便利其以下兵於諸侯

猶居高屋之上建瓴水也自是漢始都之景帝分置左

右內史此為右內史武帝太初元年改為左內史為京兆尹

與左馮翊右扶風謂之三輔其理俱在長安古城中

三輔治所

京兆在故城南尚冠里京大也天子曰兆民公羊曰

馮翊在故城內太上皇廟西南馮憲也翊輔也翊輔

扶風在夕陰街北扶持也助也言助風化今岐州

三輔者謂主爵中尉及左右內史漢武帝改曰京兆尹

左馮翊右扶風共治長安城中是爲三輔三輔郡皆有都尉如諸郡京輔都尉治華陰左輔都尉治高陵右輔都尉治郿王莽分長安城旁六鄉置卽各一人分三輔爲六都尉渭城安陵以西北至栒邑義渠十縣屬京尉大夫府居故長安寺高陵以西北十縣屬師尉大夫府居故廷尉府新豐以東至湖十縣屬尉大夫府居城東陵杜陵以東至藍田西至武功郁夷十縣屬光祿大夫府居城西茂陵槐里以西至汧十縣屬扶尉大夫府居城西長陵池陽以北役裊十縣屬列尉大夫府居後漢光武之後扶風出治槐里馮翊出治高陵案百官表引黃圖云京兆在尚冠前街東入故中尉府馮翊在太上皇廟西入右扶風在夕陽街北入故主爵府長安以

東爲京兆長陵以北爲左馮翊渭北以西爲右扶風

咸陽故城在今咸陽東二十里

自秦孝公至始皇帝胡亥竝都此城案孝公十二年作咸陽築冀闕徙都之始皇二十六年徙天下高貴富豪於咸陽十二萬戶諸廟及臺苑皆在渭南秦每破諸侯徹其宮室作之咸陽北坂上南臨渭自雍門以東至涇渭殿屋復道周閣相屬所得諸侯美人鍾鼓以充之二十七年作信宮渭南已而更命信宮爲極廟象天極自極廟道通驪山作甘泉前殿築甬道自咸陽屬之始皇窮極奢侈築咸陽宮因北陵營殿端門四達以制紫宮象帝居引渭水灌都以象天漢橫橋南渡以法牽牛橋

廣六丈南北二百八十步六十八間八百五十柱二百一十二梁橋之南北隄繳立石柱咸陽北至九峻甘泉南至鄠杜東至河西至汧渭之交東西八百里南北四百里離宮別館相望照屬木衣綈綉土被朱紫宮人不移樂不改懸窮年忘歸猶不能徧

宮馳道閣

黃陽宮秦文王所起在今鄠縣西南二十三里

榭揚宮秦昭王所作在今岐州扶風縣東北

西垂宮文公元年居西垂宮

平陽封宮武公元年伐彭戲氏至于華山下居於平陽

封宮

橐泉宮皇覽曰秦穆公冢在橐泉宮祈年觀下

步高宮在新豐縣亦名市丘城

步壽宮在新豐縣步高宮西

號宮秦宣太后起在今岐州號縣界

長揚宮在今盩厔縣東南二十里本秦舊宮至漢修飾之以備行幸宮中有垂楊數畝因爲宮名門曰射熊觀

秦漢游獵之所

斬年宮穆公所造廟記曰斬年宮在城外秦始皇本紀斬年宮在雍

梁山宮始皇幸梁山在好時

信宮亦曰咸陽宮解在前

興樂宮秦始皇造漢修飾之周回二十餘里漢太后常居之

朝宮始皇二十五年以咸陽人多先王之宮庭小曰吾

聞周文王都豐武王都鎬豐鎬之間帝王之都也乃營

朝宮於渭南上林苑庭中可受十萬人車行酒騎行炙

千人唱萬人和收天下兵古以銅為兵聚之咸陽銷以為鐘

鐻高三丈鍾小者皆千石也銷鋒鏑以為金人十二以

弱天下之人立於宮門二輔舊事云鑄金狄人立阿房殿前坐高三丈銘

其後曰皇帝二十六年初兼天下改諸侯為郡縣一法

律同度量大人來見臨洮其大五丈足跡六尺銘李斯

篆蒙恬書董卓悉摧破銅人銅臺以為小錢英雄記曰

昔大人見臨洮而銅人鑄臨洮生卓而銅人毀天下大

亂卓身滅抑有以也餘二人魏明帝欲徙詣洛陽清明

門熏輒至霸城重不可致便留之

阿房宮亦曰阿城惠文王造宮未成而亡始皇廣其宮

規恢二百餘里離宮別館彌山跨谷輦道相屬閣道通

驪山八十餘里表南山之顛以為闕絡樊川以為池作

阿房前殿東西五十步南北五十丈上可坐萬人下建

五丈旗以木蘭為梁以磁石為門磁石門乃阿房北闕門也門在阿房前悉

以磁石為之故專其目今四夷朝者有隱甲懷刃入門而齋止以示神亦曰都胡門周馳為複道

度渭屬之咸陽以象天極閣道抵營室也阿房宮未成

欲更擇令名名之作宮阿基旁故天下謂之阿房宮隱

宮徒刑者七十餘萬人乃分作阿房宮

或作驪山蘭池宮始皇二十一年爲微行咸陽與武士

四人俱夜出逢盜蘭池注渭城縣有蘭池宮  
鍾宮在鄠縣東北二十五里始皇收天下兵銷爲鍾鏐  
此或其處也

馳道案秦本紀始皇二十七年治馳道注曰馳道天子  
道也蔡邕曰馳道天子所行道也今之中道然漢書賈  
山傳曰秦爲馳道於天下東窮燕齊南極吳楚江湖之  
上濱海之觀畢至道廣五十步二丈而樹厚築其外隱  
以金椎樹以青松漢令諸侯有制得行馳道中者行旁  
道無得行中央三丈也不如令没入其車馬

雲閣二世所造起雲閣欲與南山齊

望夷宮在涇陽縣界長平觀道東北臨涇水以望北夷  
以爲宮名

林光宮胡亥所造從廣各五里在雲陽縣界

### 漢長安故城

漢之故都高祖七年方修長安宮城自櫟陽徙居此城  
本秦離宮也初置長安城本狹小至惠帝更築之按惠  
帝元年正月初城長安城二年春發長安六百里內男  
女十四萬六千人三十日罷城高二丈五尺下闊一丈  
五尺六月發徒隸一萬人常役至五年復發十四萬五  
千人二十日乃罷九月城成高三丈五尺下闊一丈五



尺上闊九尺雉高三坂周回六十五里城南爲南斗形北爲北斗形至今人呼漢京城爲斗城是也漢舊儀曰長安城中經緯各長三十二里十八步地九百七十三頃八街九陌三宮九府三廟十二門九市十六橋地皆黑壤今赤如火堅如石父老傳云盡鑿龍首山土爲城水泉深二十餘丈樹宜槐與榆松栢茂盛焉城下有池周繞廣三丈深二丈石橋各六丈與街相直

### 秦漢風俗

漢志曰秦有四塞之固昔后稷封釁公劉勰幽大王徙岐文王作豐武王治鎬其民有先王遺風好稼穡本業故幽詩言農桑衣食之業其備秦都咸陽徙天下豪富十二萬戶漢高帝都長安徙諸齊田楚屈昭景及諸功臣於長陵後世徙吏二千石高貴富人及豪傑兼并之家於諸陵強本弱末以制天下是故五方錯雜風俗不一貴者崇侈靡賤者薄仁義富強則商賈爲利貧窶則盜賊不禁閭里嫁娶尤尚財貨送死過度故漢之京輔號爲難理古今之所同也

### 都城十二門

長安城東出南頭第一門霸城門民見門色青名曰青城門或曰青門門外舊出佳瓜廣陵人邵平爲秦東陵侯秦破爲布衣種瓜青門外瓜美故時人謂之東陵瓜  
朝記曰霸城門亦曰青綺門漢書王莽天鳳二年霸城

門災莽更霸城門曰仁壽門無疆亭

長安城東出第二門曰清明門一曰籍田門以門內有籍田倉一曰凱門漢書平帝元始四年東風吹屋瓦且盡即此門也漢宮殿疏曰第二門名城東門莽更名曰宣德門布恩亭

長安城東出北頭第一門曰宣平門民間所謂東都門漢書曰成帝建始元有白蛾群飛蔽日從東都門至柘道又疏廣太傅受少傅上疏乞骸骨歸公卿大夫爲設祖道供張東都門外即此門也其郭門亦曰東都即逢萌掛冠處也王莽更名春王門正月亭東都門至外郭亭十三里

長安城南出東頭第一門曰覆盎門一號杜門廟記曰覆盎門與洛門相去十三里二百一十步門外有魯班輸所造橋工巧絕世長樂宮在城中近東直杜門其南有下杜城漢書集註云故杜陵之下聚落也故曰下門又曰端門北對長樂宮漢書曰戾太子所斫覆盎門出奔湖王莽更名曰永清門長茂亭

長安城南出第二門曰安門亦曰鼎路門北對武庫王莽更名曰光禮門顯樂亭

長安城南出第三門曰西安門北對未央宮一曰便門即平門也古者平便皆同字武帝建元二年初作便門橋跨渡渭水上以趨陵其道易直二輔決錄曰長安城

西門曰便橋橋北與門對因號便橋王莽更名曰信平門誠正亭

長安城西出南頭第一門曰章城門漢宮殿疏曰章城

門漢城西面南頭第一門三輔舊事曰章門亦曰光畢

門又曰便門漢書成帝元延元年章城門牡自亡顏師古注

云牡所以下閉者也亦以缺為之王莽改曰萬秋門億年亭

長安城西出第二門曰直城門漢宮殿疏曰西出南頭

第二門也亦曰故龍樓門門上有銅龍本名直門王莽

更曰直道門端路亭

長安城西出北頭第一門曰雍門本名西城門王莽改

曰章義門著義亭其水北入有丞里民呼曰丞里門

長安城北出東頭第一門曰洛城門又曰高門漢宮殿

疏曰高門長安北門也又名鶴雀臺門外有漢武承露

盤在臺上

長安城北第二門曰厨城門長安厨在門內因為門名

王莽更名建子門廣世亭

長安城北出西頭第一門曰橫門漢書虜上小女陳持

弓走入光門即此門也門外有橋曰橫橋漢書作走入橫城門如淳

曰橫

漢城門皆有候門候主候時謹啓閉也三輔決錄曰長

安城面三門四面十二門皆通達九達以相經緯衢路

平正可竝列車軌十二門三塗洞關隱以金推周以林

木左右出入爲往來之徑行者升降有上下之別班固  
西都賦云披三條之廣路立十二之通門又張衡西京  
賦云城郭之制則旁開二門參差夷庭方軌十三街衢  
相經是也

三輔黃圖卷之一

三輔黃圖卷之二

長安九市

廟記云長安市有九各方二百六十六步六市在道西  
三市在道東凡四里爲一市致九州之人在突門夾橫  
橋大道市樓皆重屋又曰旗亭樓在杜門大道南又有  
當市樓有令署以察商賈貨財買賣貿易之事三輔都  
尉掌之直市在富平津西南二十五里即秦文公造物  
無二價故以直市爲名張衡西京賦云郭開九市通關  
帶闌旗亭重立俯察百隧是也又案郡國志長安大俠  
黃子夏居柳市司馬季主卜於東市晁錯朝服斬於東  
市西市在醴泉坊

長安八街九陌

有香室街夕陰街尚冠前街三輔舊事云長安城中八  
街九陌漢書劉屈氂妻梟首華陽街京兆尹張敞走馬  
章臺街陳湯斬到支王首縣藁街張衡西京賦云參塗  
夷庭街街相經屢里端直薨宇齊平是也

長安城中閭里

長安閭里一百六十室居櫛比門巷脩直有宣明建陽  
昌陰尚冠修城黃棘北煥南平等里漢書方石君奮從  
家長安戚里宣帝在民間時常在尚冠里劉向列女傳  
節女長安大昌里人也

宮

長樂宮本秦之興樂宮也高皇帝始居櫟陽七年長樂宮成徙居長安城三輔舊事宮殿疏皆曰興樂宮秦始皇造漢修飾之周回二十里前殿東西四十九丈七尺兩序中三十五丈深十二丈長樂宮有鴻臺有臨華殿有溫室殿有信宮長秋永壽永寧西殿高帝居此宮後太后常居之孝惠至平帝皆居未央宮漢書宣帝元康四年神爵五采以萬數集長樂宮五鳳二年鸞鳳集長樂宮東闕中樹上王莽改長樂宮為常樂室在長安中近東直杜門

未央宮漢書曰高祖七年蕭何造未央宮立東闕北闕

關門闕也劉熙釋名曰闕在門兩旁中央闕然為道也門闕天子另令賞罰所由出也未央宮殿舍兩向而止

書奏事謂見之徒皆在北闕焉是闕矣蓋蕭何立未央宮以厭勝前殿武庫藏兵器太倉廩粟所在一百三

之術理然乎南上見其壯麗太甚怒曰天下匈匈勞苦數歲成敗未

可知是何治宮室過度也何對曰以天下未定故可因

以就宮室且天子以四海為家非令壯麗無以重威無

令後世有以加也上悅自櫟陽徙居焉未央宮周回二

十八里前殿東西五十丈深十五丈高三十五丈

前殿寢見諸侯也管未央宮因龍首山以制前殿

山長六十里羣臣處也管未央宮因龍首山以制前殿

山長六十里連樊川秦時有黑龍從南山出飲渭水其行過龍首

龍首山為臺殿不假板築高出長安城西京賦所謂龍首龍首以抗也至孝武以木蘭為焚燎

木蘭香木焚燎棟椽文杏為梁柱有文杏者金鋪玉戶

金鋪象上有金華中作戲及龍此鋪首以銜椽也玉戶以玉飾戶也

華棐璧璫雕楹玉碣柱下石也重軒鏤檻青瑣丹墀殿階也

左城右平上故為之階級城階級也黃金為

壁帶間以和氏珍玉風至其聲玲瓏然也未央宮有宣

室麒麟金華承明武臺鈎弋等殿又有殿閣三十有二

有壽成萬歲廣明椒房清涼水延玉堂壽安平祿宣德

東明飛雨鳳凰通光曲臺白虎等殿廟記云未央宮有

增成昭陽殿漢宮殿疏曰未央宮有麒麟閣天祿閣有

金馬門青鎖門玄武蒼龍二闕朱鳥堂畫堂甲觀非常

室又有鈎盾署弄田三輔決錄曰未央宮有延年殿合

歡殿四車殿又漢宮閣記云未央宮有宣明長年温室

昆德四殿又有玉堂增盤閣宣室閣三輔舊事云武帝

於未央宮起高門武臺殿漢武故事云神明殿在未央

宮王莽改未央宮曰壽成室前殿曰玉路堂如路寢也

按舊圖漸臺織室凌室皆在未央宮○建章宮武帝太

初元年栢梁殿災粵巫勇之曰粵俗有火災即復起大

屋以厭勝之帝於是作建章宮度為千門萬戶宮在未

央宮西長安城外帝於未央宮營造日廣以城中為小

乃於宮西跨城池作飛閣通建章宮構楚道以上下道

為閣道可宮之正門曰闕闕闕闕者以象天門也宮門名高

二十五丈亦曰璧門左鳳闕闕上有金鳳高丈餘漢書

北起別風闕在闕門內以其出宮垣也高五十丈對

呼貞女樓即

建章闕也

高二十五丈右神明臺言臺高神明門內

峙并幹樓高五十丈鬻道相屬焉連閣皆有果魚

曲閣

也以覆重列垣墉鬻之殿前殿下視未央其西則廣

畫以雲氣鳥獸其形采魚然中殿受萬人三輔舊事云建章周回二十里東起別風

闕高二十五丈乘高以望遠又於宮門北起圓闕高二

十五丈上有銅鳳凰赤有賊壞之西京賦云圓闕聳以

造天若雙碣之相望是也廟記云建章宮北門高二十

五丈建章北闕門也又有鳳凰闕漢武帝造高七十丈

五尺鳳凰闕一名別風闕又云燠峽闕在圓闕門內二

百步繫欽建章序云秦漢規模廓然泯毀惟建章鳳闕

聳然獨存雖非象魏之制亦一代之巨觀古歌云長安

城西有雙闕上有雙銅雀一鳴五穀熟再鳴五穀熟

銅雀即銅鳳凰也揚震關輔古語云長安民俗謂鳳凰

闕為貞女樓同馬相如賦云豫章貞女樹長千仞大連

名漢書曰建章宮南有玉堂璧門二層堂高二十丈玉

堂內殿十二門階陛皆玉為之鑄銅鳳高五尺飾黃金

裊屋上下有轉樞向風若翔椽首薄以璧玉因曰璧門

建章有駘蕩駁娑枵誦天梁音寶鼓簧等宮又有玉堂

神明堂疏圓鳴鑾寄華銅柱函德二十六殿太液池唐

中池

桂宮漢武帝造周回十餘里漢書曰桂宮有紫房複道

通未央宮關輔記云桂宮在未央北中有明光殿上山

復道從宮中西上城至建章神明臺蓬萊山三秦記未

復道從宮中西上城至建章神明臺蓬萊山三秦記未



央宮漸臺西有桂宮中有明光殿皆金玉珠璣為廣道

颯颯明月珠金祀玉堦晝夜光明又西京雜記云武帝

為七寶牀雜寶被廁寶屏風列寶帳設於桂宮時人謂

為四寶宮長安記曰桂宮在北宮北亦曰北宮

北宮在長安城中近桂宮俱在未央宮北周回十里高

帝時制度草創孝武增修之中有前殿廣五十步珠簾

玉戶如桂宮漢書曰呂太后崩孝惠皇后廢處北宮又

曰哀帝崩貶皇太后趙氏為孝成皇后退居北宮皇后

薄氏退居桂宮

甘泉宮一曰雲陽宮史記秦始皇二十七年作甘泉宮

及前殿築甬道築垣牆如街巷自咸陽屬之關輔記曰林光宮

一曰甘泉宮秦所造在今池陽縣西故甘泉山宮以山

為名或曰高泉山蓋習俗語訛也宮周匝十餘里漢武帝建元中增

廣之周十九里去長安二百里望見長安城黃帝以來

圓丘祭天處漢志雲陽縣有休屠金人祀路神祠三所音義云匈奴祭天處本雲陽日泉山下秦

奪其地徙休屠右地郊祀志云徑路神祠祭休屠王處道甲開山圖云雲陽先生

之墟也武帝造闕於南以象方色於甘泉宮更置前殿

始造宮室有芝生甘泉殿邊房中房中樂有殿漢舊儀云芝草之殿漢舊儀云

芝有九莖芝草歌曰九莖連葉芝金色綠葉朱實夜有光乃作芝

房之歌帝又起紫殿雕文刻鏤黼黻以玉飾之成帝永

始四年行幸甘泉郊泰時神光降於紫殿今按甘泉谷

北岸有槐樹今謂玉樹根幹盤峙時三二百年木也揚震

闕輔古語云耆老相傳咸以謂此樹即楊雄甘泉賦所謂玉樹青葱也甘泉有高光宮又有林光宮有長定宮竹宮通天臺通靈臺武帝作迎風館於甘泉山後加露寒儲背二館皆在雲陽甘泉中西廂起彷徨觀築甘泉苑建元中作石闕封鸞鳩觀於苑垣內宮南有昆明池苑南有棠梨宮

漢未央長樂甘泉宮四面皆有公車

公車主受章疏之處

司馬門凡言司馬者宮垣之內兵衛所在司馬主武事故謂宮之外門爲司馬門按漢宮衛令諸出入殿門公車司馬門者皆下不知之罰金四兩王莽改公車司馬門曰王路四門分命諫大夫四人受章疏以通下情

表衛尉屬官有公車司馬令丞漢官儀云公車司馬門殿司馬門夜繳宮中天下上事及闕下凡所繳石皆

領之令秩六百石

三輔黃圖卷之二





三輔黃圖

(三)



三輔黃圖

西

三輔黃圖卷之三

長樂未央建章北宮甘泉宮中宮室臺殿

鴻臺秦始皇二十七年築高四十丈上起觀宇帝嘗射  
飛鴻于臺上故號鴻臺漢書惠帝四年長樂宮鴻臺災  
臨華殿在長樂宮前殿後武帝建漢書成帝永始四年  
長樂宮臨華殿災溫室殿按漢宮殿疏在長樂宮又漢  
宮闕記在未央宮

長信宮漢太后常居之按通靈記太后成帝母也后宮  
在西秋之象也秋主信故宮殿皆以長信長秋為名又  
永壽永寧殿皆后所處也

成帝母王太后居長信宮

右長樂宮

宣室溫室清涼皆在未央宮殿北宣明廣明皆在未央  
殿東昆德玉堂皆在未央殿西

宣室未央前殿正室也淮南子曰周武王殺紂於宣室  
漢取舊名也漢書曰文帝受釐宣室夜半前席賈生問  
鬼神之事即此也又王莽地皇四年城中少年朱弟張  
魚等燒宮莽避火宣室前殿火輒隨之

溫室殿武帝建冬處之溫暖也西京雜記曰溫室以椒  
塗壁被之文繡香桂為柱設火齊屏風鴻羽帳氈地以  
蜀賓氍毹漢書曰孔光為尚書令歸休與兄弟妻子燕  
語終不及朝省政事或問溫室省中樹何木光不應

漢書



清涼殿夏居之則清涼也亦曰延清室漢書曰清室則中夏含霜即此也董偃常臥延清之室以畫石爲牀文如錦紫琉璃帳以紫玉爲盤如屈龍皆用雜寶飾之侍者於外翁偃偃曰玉石豈須翁而後涼邪又以玉晶爲盤貯冰於膝前玉晶與冰同潔侍者謂冰無盤必融濕席乃拂玉盤墜冰玉俱碎玉晶千塗國所貢也武帝以此賜偃

麒麟殿未央宮有麒麟殿漢書哀帝燕董賢父子於麒麟殿視賢曰吾欲法堯禪舜如何王闕曰天下乃高皇帝天下非陛下之天下也陛下奉承宗廟當傳之無窮安可妄有所授帝業至重天子無戲言上默然不悅

金華殿未央宮有金華殿漢書曰成帝初方向學召鄭寬中張禹說尚書論語於金華殿中

承明殿未央宮有承明殿著述之所也班固西都賦序云內有承明著作之庭即此也漢書武帝謂嚴助曰若厭承明之廬又成帝鴻嘉二年雉飛集於明殿屋

蒼龍白虎朱雀玄武天之四靈以正四方王者制宮闕殿閣取法焉

掖庭宮

在天子左右如肘膝

椒房殿在未央宮以椒和泥塗取其溫而芬芳也武帝時後宮八區有昭陽飛翔增成合歡蘭林披香鳳皇鸞鶯等殿後有增修安處常寧虛若椒風發越蕙草等殿

爲十四位成帝趙皇后居昭陽殿昭陽殿在未央宮中有女弟俱爲婕妤好貴傾後宮昭陽舍蘭房椒室其中庭彤朱而廷上髹漆切皆銅沓切門黃金塗白玉階壁帶往往爲黃金缸函藍田璧明珠翠羽飾之自後宮未嘗有焉班婕妤好居增成舍後宮八區增成第二區也哀帝時董賢女弟爲昭儀居

舍增成椒風

高門殿漢書曰汲黯請起高門注曰未央宮高門殿也又哀帝時鮑宣諫曰陛下擢臣巖穴誠冀有益毫毛豈欲臣美食大官重高門之地

非常室漢書成帝綏和二年鄭通里人王褒絳衣小冠帶劔入北司馬門殿東門上前殿至非常室中殿名解

帷組結佩之召前殿署長業等曰天帝令我居此室

收縛考問乃故公車大誰卒病狂易不自知入宮獄大誰者主問非常之人誰以誰何秘因用爲宮中

常也

織室在未央宮又有東西織室織作文繡郊廟之服有

令史

凌室在未央宮藏冰之所也函詩七月篇曰納于凌陰

周官凌人職掌藏冰大祭祀飲食則供水漢書惠帝四年

織室凌室災

暴室主掖庭織作染練之署謂之暴室取暴曬爲名耳

有嗇夫官屬

弄田在未央宮弄田者燕遊之田天子所戲弄可漢書昭帝紀曰始元元年上耕于鉤盾弄田應劭注云帝時年九歲未能親耕帝籍鉤盾宦者近署故往試耕爲戲弄成帝建始二年小女陳持弓年九歲闌入尚方掖門至未央殿鉤盾禁中

內謁者署在未央宮屬少府續漢書云掌宮中步帳褻物丁字漢官云令秩千石

金馬門宦者署武帝時大宛馬以銅鑄像立於署門因以爲名東方朔主父偃嚴安徐樂皆待詔金馬門即此路軫廐在未央宮中掌宮中輿馬亦曰未央廐漢書曰武帝時期門郎上官桀遷爲未央廐令

右未央宮

駘蕩宮春時景物駘蕩滿宮中也

駘安宮駘安馬行疾貌馬行迅疾一日之間遍宮言宮之大也

枵詣宮枵詣木名宮中美木茂盛也

天梁宮梁木奎於天言宮之高也四宮皆在建章宮

奇華殿在建章宮旁四海夷狄器服珍寶火浣布切玉刀巨象大雀師子宮馬充塞其中

鼓簧宮漢宮闕疏云鼓簧宮周匝一百二十步在建章

宮西北

神明臺漢書曰建章有神明臺廟記曰神明臺武帝造

祭仙人處上有承露盤有銅仙人舒手捧銅盤玉杯以承雲表之露以露和玉屑服之以求仙道長安記仙人掌大七圍以銅爲之魏文帝徙銅盤折聲聞數十里

### 右建章宮

壽宮北宮有神仙宮壽宮張羽旗設供具以禮神君神君來則肅然風生帷帳皆動

明光宮武帝太初四年秋起在長樂宮後南與長樂宮相連屬漢書元后傳曰成都侯商嘗疾欲避暑從上借明光宮蓋卽此王莽建國元年改明光宮爲安館安定太后居之

太子宮甲觀太子宮有甲觀畫堂

漢書注曰甲者甲乙丙丁之次也漢

書曰孝成皇帝元帝太子也母曰王皇后元帝在太子宮生甲觀畫堂元后傳曰見於丙殿此其例也畫堂謂宮殿中彩畫之堂

### 右北宮

鈎弋宮列仙傳曰鈎弋夫人姓趙氏河間人少好酒病卧六年右手鈎卷飲食少望氣者云東北有貴人推而得之見召姿色佳麗武帝反其手得玉鈎而手展有寵生昭帝姪娠十四月上曰聞昔堯十四月而生太子鈎弋亦然乃命所生門曰堯母門所居曰鈎弋宮自夫人加婕妤後得罪掖庭獄死及殯香一月昭帝卽位追尊爲皇太后更葬之發六十二萬人起陽陵其棺槨但有彩

獲王懸雲陽記曰鈞弋夫人從至甘泉而卒尸香聞十餘里葬雲陽武帝思之起通靈臺於甘泉宮有一青鳥集臺上往來至宣帝時乃不至漢武故事曰鈞弋宮在直門之南

昭臺宮在上林苑中孝宣霍皇后立五年廢廡昭臺宮後十二歲徙雲林館乃自殺

長定宮林光宮中有長定宮二輔決錄曰后從帝行幸於甘泉宮居長定宮孝成許皇后廢廡昭臺宮歲餘徙長定宮

長門宮離宮在長安城孝武陳皇后得幸頗妬居長門宮

求信宮孝哀帝尊恭皇太后曰帝太后稱求信宮

中安宮孝哀帝尊恭皇太后曰帝太后稱中安宮

儲元宮在長安城西漢書外戚傳曰信都太后與信都王俱居儲元宮

大臺宮在上林苑中長安西二十八里漢書江充召見大臺宮

薊園宮在上林苑西漢哀帝元壽二年單于來朝以太歲厭勝所舍之此宮

步壽宮秦亦有步壽宮今按其地與秦異則秦漢各有步壽宮耳漢祿祿宮宣帝神爵二年鳳凰集祿祿宮鳳凰集處得玉寶乃起步壽宮

梁山宮梁山好時界卽禹貢云壺口治梁及汶又古公  
踰梁山于岐下及秦立梁山宮皆北山下也史記秦本  
紀始皇三十二年幸梁山宮卽此也

黃山宮在興平縣西三十里武帝徵行西至黃山宮卽  
此也

回中宮史記秦始皇二十七年巡隴西北地出笄頭過  
回中漢書文帝十四年匈奴入蕭關殺都尉燒回中宮  
侯騎至雍武帝元狩四年幸雍通回中道遂北出蕭關  
又有二良宮相近

集靈宮集仙宮存仙殿存神殿望仙臺望仙觀俱在華  
陰縣界皆武帝宮觀名也華山記及三輔舊事云昔有  
大元真人茅盈內記始皇二十一年九月庚子盈曾祖  
父濛於華山乘雲駕龍白日昇天先是邑人謠曰神仙  
得者茅初成駕龍上昇入大清時下玄州戲赤城繼世  
而往在我盈帝若學之臘嘉平漢武帝內傳曰嘗女生  
長樂人初餌胡麻乃永絕穀八十餘年少壯色如桃華  
一日與親知故人別入華山後五十年先識者逢女於  
廟前乘白鹿從王母人因識之謝其鄉里而去又神仙  
傳曰中山衛叔卿常乘雲車駕白鹿見漢武帝將臣之  
叔卿不言而去武帝悔求得其子度令還其父登華岳  
見父與數人坐於石上敕度令還又華山記弘農鄭紹  
八月曉入華山見童子執五綵囊盛栢葉露食之武帝

即其地造宮殿歲時祈禱焉漢書云華陰縣有集靈宮  
又有望仙觀在華陰縣

棠梨宮在甘泉苑垣外雲陽南二十里

竹宮甘泉祠宮也以竹爲宮天子居中漢舊儀云竹宮  
去壇三里

宜春宮本秦之離宮在長安城東南杜縣東近下杜

扶荔宮在上林苑中漢武帝元鼎六年破南越起扶荔

宮宮以荔  
枝得名以植所得奇草異木菖蒲百本山薑十本甘

蕉十二本留求子十本桂百本密香指甲花百本龍眼

荔枝檳榔橄欖千歲子甘橘皆百餘本上木南北異宜

歲時多枯瘁荔枝自交趾移植百株于庭無一生者連

年猶移植不息後數歲偶一株稍茂終無華實帝亦珍

惜之一日萎死守吏坐誅者數十人遂不復蒔矣其實

則歲貢焉郵傳者疲斃於道極爲生民之患至後漢安

帝時交趾郡守極陳其弊遂罷其貢

五柞宮漢之離宮也在扶風蓋屋宮中有五柞樹因以

爲名五柞皆連抱上枝覆蔭數畝

宣曲宮在昆明池西孝宣帝曉音律常於此度曲因以

爲名

鼎湖宮在湖城縣界又一說在  
益田有亭昔黃帝採首山銅以鑄

鼎鼎成有龍下迎帝仙去小臣攀龍髯而上者七十二

人漢武帝於此建宮

思子宮武帝寤戾太子無辜被殺作思子宮爲歸來望思之臺於湖

萬歲宮武帝造汾陰有萬歲宮宣帝元康四年幸萬歲宮神爵翔集以元康五年爲神爵紀元

首山宮漢武帝元封元年封禪後夢高祖坐明堂朝羣臣於是祀高祖於明堂以配天還作首山宮以爲高靈館

明光宮武帝求仙起明光宮發燕趙美女二千人充之率取二十以下十五以上年滿三十者出嫁之掖庭令穆其籍時有死出者隨補之

池陽宮在池陽南上原之阪有長年阪去長安五十里

養德宮趙王如意年幼未能就外傳戚姬使舊趙王內傳趙媼傳之號其室曰養德宮

### 右甘泉宮

日華宮河間獻王德築日華宮置宴館二十餘區以待學士自奉養甚薄不踰賓客

曜華宮梁孝王好營宮室苑囿之樂作曜華宮築兔園園中有百靈山有膏寸石落猿巖栖龍岫又有鴈池池間有鶴洲鳧渚其諸宮觀相連延亘數十里奇果異樹珍禽怪獸畢有王日與宮人賓客弋釣其中

右日華曜華宮營構不在三輔然皆漢之諸王所建以附宮室篇末



漢畿內千里並京兆治之內外宮館一百四十五所班  
固西都賦云前東秦嶺後越九峻東薄河華西涉岐雍  
宮館所歷百有餘區秦離宮二百漢武帝往往修治之

三輔黃圖卷之三

三輔黃圖卷之四

苑囿

周靈囿文王囿也詩曰王在靈囿麀鹿攸伏麀鹿濯濯  
白鳥嚶嚶毛詩注云囿所以域養禽獸也天子百里諸  
侯四十里靈囿言文王之有靈德也靈囿言道行於苑  
囿也孟子曰文王之囿方七十里芻蕘者往焉雉兕者  
往焉與民同其利也文王靈囿在長安縣西四十二里

漢上林苑即秦之舊苑也漢書云武帝建元三年開上  
林苑東南至藍田宜春鼎湖御宿昆吾旁南山而西至  
長楊五柝北繞黃山灕渭水而東周袤二百里離宮七  
十所皆容千乘萬騎漢宮殿疏云方三百四十里漢舊

儀云上林苑方三百里苑中養百獸天子秋冬射獵取

之帝初修上林苑群臣遠方各獻名果異卉二千餘種

植其中亦有製爲美名以標奇異茂陵富民袁廣漢藏

鏹鉅萬家僮八九百人於北山下築園東西四里南北

五里激流水注其中構石爲山高十餘丈連延數里養

白鸚鵡紫鴛鴦犀牛青兕奇獸珍禽委積其間積沙爲

洲嶼激水爲波濤致江鷗海鶴孕雛產鷖延漫林池奇

樹異草靡不培植屋皆徘徊連屬重閣脩廊行之移晷

不能徧也廣漢後有罪誅沒入爲官園鳥獸草木皆移

入上林苑中上林苑有昆明觀武帝置又有蘭觀平樂

觀遠望觀燕昇觀觀象觀便門觀白鹿觀二爵觀陽祿

觀陰德觀鼎郊觀樛木觀椒唐觀魚鳥觀元華觀走馬  
觀拓觀上蘭觀卽池觀當路觀皆在上林苑又舊儀曰  
上林有令有尉禽獸簿記其名數又有上林詔獄主治  
苑中禽獸官館之事屬水衡又上林苑中有六池市郭  
宮殿魚臺犬臺獸園

甘泉苑武帝置緣山谷行至雲陽二百八十一里西入  
扶風凡周回五百四十里苑中起宮殿臺閣百餘所有  
仙人觀石闕觀封鸞觀鳩鵲觀

御宿苑在長安城南御宿川中漢武帝爲離宮別館禁  
禦人不得入往來遊觀止宿其中故曰御宿三秦記云  
御宿園出栗十五枚一勝大梨如五勝落地則破其取  
梨先以布囊承之號曰含消此園梨也

思賢苑孝文帝爲太子立思賢苑以招賓客苑中有堂  
室六所客館皆廣蕪高軒屏風幃褥甚麗廣陵王胥有  
勇力常於別園學格熊後遂能空手搏之莫不絕脰後  
爲獸所傷陷腦而死

博望苑武帝立子據爲太子爲太子開博望苑以通賓  
客漢書曰武帝年二十九乃得太子甚喜太子冠爲立  
博望苑使之通賓客從其所好又云博望苑在長安城  
南杜門外五里有遺址

西郊苑漢西郊有苑園林麓數澤連亘繚以周垣四百  
餘里離宮別館二百餘所

三十六苑漢儀注大僕牧師諸苑二十六所分布北邊西邊以郎爲苑監宦官奴婢三萬人養馬三十萬疋養鳥獸者通名爲苑故謂之牧馬處爲苑

樂遊苑在杜陵西北宣帝神爵三年春起

宜春下苑在京城東南隅元帝紀注東南隅曲池是梨園雲陽宮記

曰雲陽車箱坂下有梨園一頃梨數百株青翠繁密望之如車蓋

### 池沼

周文王靈沼在長安西二十里詩曰王在靈沼於物魚躍

漢昆明池武帝元狩四年穿在長安西南周回四里西

南夷傳曰天子遣使求身毒國市竹身毒國即天竺也漢書曰張騫言使

大夏時見蜀布邛竹杖問所從來曰從東來身毒國可數千里得蜀賈人市而爲昆明所

天子欲伐之越雋昆明國有滇池方三百里故作昆明

池以象之以習水戰因名曰昆明池漢書曰元狩三年

成卒之半及吏弄法者誦之穿此池食貨志曰時越欲與漢用船戰逐水

乃大修昆明池也三輔舊事曰昆明池地三百三

十二頃中有戈舩各數十樓舩百艘舩上建戈矛四角

悉垂幡旌葆麾蓋照燭涯涘圖曰上林苑有昆明池周

匝四十里廟記曰池中後作豫章大舩可載萬人上起

宮室因欲遊戲養魚以給諸陵祭祀餘付長安厨三輔

故事又曰池中有豫章臺及石鯨刻石爲鯨魚長三丈

每至雷雨常鳴吼鬣尾皆動一說甘泉宮南有昆明池

池中有靈波殿皆以桂爲殿柱風來自香又曰池中有龍首船常令宮女泛舟池中張鳳蓋爲飾建華旗作棹

歌

擢歌擢發歌也又曰

雜以鼓吹帝御豫章觀臨觀焉

關輔古語曰昆明池中有二石人立牽牛織女於池之

東西以象天河張衡西京賦曰昆明靈沼黑水玄址牽

牛立其右織女居其左今有石父石婆神祠在廢池疑

此是也武帝初穿池得黑土帝問東方朔東方朔曰西

域胡人知乃問胡人胡人曰劫燒之餘灰也三秦記曰

昆明池中有靈沼名神池云堯時治水嘗停舩於此池

通白鹿原原人釣魚綸絕而去夢於武帝求去其鈎三

日戲於池上見大魚嚙索帝曰豈不穀昨所夢邪乃取

鈎放之間三日帝復遊池池濱得明珠一雙帝曰豈昔

魚之報邪

鎬池在昆明池之北即周之故都也廟記曰長安城西

有鎬池在昆明池北周匝二十二里既地三十三頃史

記曰秦始皇帝三十六年使者從關東夜至華陰縣平

舒道有人持璧遮使者曰爲吾遺鎬池君因言曰今年

祖龍死使者問其故忽不見置其璧去使者奉璧具以

聞始皇默然良久曰山鬼不過知一歲事退言曰祖龍

者人之先也祖始也龍者人主使御府視璧乃二十八

年渡江所沉璧也

滄池在長安城中舊圖云未央宮有滄池言池水蒼色

故曰滄池

大液池在長安故城西建章宮北未央宮西南大液者  
言其津潤所及廣也閔輔記云建章宮北有池以象北  
海刻石為鯨魚長三丈漢書曰建章宮北治大池名曰  
大液池中起三山以象瀛洲蓬萊方丈刻金石為魚龍

奇禽異獸之屬

瀛洲一名臈洲亦曰環洲有樹名影木  
月中視之如列星萬歲一實食之輕骨

上有枝葉如華蓋群仙以避風雨有金銜之素刻碧玉為  
玉龍上於雲火精為日刻黑玉為鳥以雲統之素刻碧玉為  
倒龍之狀雲火精為日刻黑玉為鳥以雲統之素刻碧玉為  
為蟬兔於地下為機戾以則昏明不野眩望有香風吟  
然而至有草名芸苗狀如蒿蒲食葉則醉眩望有香風吟  
鳥如鳳身細翼飛名曰藏珠每鳴翔而吐珠累斛仙人  
以珠飾仙裳蓋輕而耀於日月也蓬萊山亦名防丘亦  
名雲來高二萬里廣七千里水淺有細石如金玉得之  
不加陶治自然光淨仙者服之東有鬱夷國時有金霧  
諸仙說北上常浮轉低仰有如山上架樓室向明以開

戶牖及霧歇威戶皆向北有浮雲之幹法言空紫子大  
如珠有青鸞集其上下有砂礫細如粉柔風至葉條翻  
起辨細砂如雲霧仙者來觀而蹶焉風吹竹葉聲如鐘  
磬方丈之山一名岱維東方龍場方千里瑤玉為林雲  
色皆紫上有通霞臺西王母常遊於其上常有鸞鳳鼓  
舞如琴瑟和鳴三山統名崑崙立亦曰神山上有不死之  
藥食之輕幸武帝信仙道取少君奕大妄誕之語廟記  
多起樓觀故池中立三山以象蓬萊瀛洲方丈

曰建章宮北池名大液周回十頃有採蓮女鳴鶴之舟

又按三輔舊事云日出暘谷浴於咸池至虞淵即暮此

池象之也昭帝始元元年春黃鵠下建章宮大液池成

帝常以秋日與趙飛燕戲於大液池以沙棠木為舟

木造舟以雲母飾於鸕首一名雲舟又刻大桐木為虬

龍彫飾如真夾雲舟而行以紫桂為柁柁及觀雲棹之

玩擷菱藻帝每憂輕蕩以驚飛燕命攸飛之士以金鎖

纒雲舟於波上每輕風時至飛鷺殆欲隨風入水帝以翠縷結飛鷺之裾常恐曰妾微賤何復得預結縷裾之遊今太液池尚有避風臺即飛燕結裾之處

唐中池周回十二里在建章宮太液池之南

百子池戚夫人侍兒賈佩蘭後出爲扶風人段儒妻說在宮內時見戚夫人侍高祖嘗以趙王如意爲言而高祖思之幾半日不言歎息悽愴而未知其術使夫人擊筑高祖歌大風以和之七月七日臨百子池作于闐樂樂闕以五色縷相羈謂之相連愛八月四日出彫房北戶竹下圍碁勝者終年有福負者終年疾病取絲縷就北斗星辰求長命乃免正月上辰出池邊盥濯愈逢銅以被妖邪三月上巳張樂於池上

十池上林苑有初池麋池牛首池崩池積草池東陂池西陂池當路池大臺池郎池牛首池在上林苑中西頭崩池生崩草以織席西陂池郎池皆在二城南上林苑中陂郎一水名因爲池積草池中有珊瑚樹高一丈二尺一本二柯上有四百六十二條南越王趙佗所獻號爲烽火樹至夜光景常燦然

少府仗飛外池漢儀注仗飛具繒繳以射鳧鴈給祭祀故有池

秦酒池在長安故城中廟記曰長樂宮中有魚池酒池池上有肉炙樹秦始皇造漢武行舟於池中酒池北起


臺天子於上觀牛飲者三千人又曰武帝作以夸羌胡  
飲以鐵盃重不能舉皆抵牛飲西征賦云酒池監於商  
辛追覆車而不悟

影蛾池武帝鑿池以翫月其旁起望鵠臺以眺月影入  
池中使宮人乘舟弄月影名影蛾池亦曰眺蟾臺

琳池昭帝元始元年穿琳池廣千步池南起桂臺以望  
遠東引大液之水池中植分枝荷一莖四葉狀如駢蓋  
日照則葉低蔭根莖若葵之衛足名曰低光荷實如玄  
珠可以飾佩花葉難萎芬馥之氣徹十餘里食之令人  
口氣常香益脉治病宮人貴之每遊燕出入必皆含嚼  
或剪以爲衣或折以障日以爲戲弄帝時命水嬉遊燕  
永日士人進一豆槽帝曰桂楫松舟其猶重朴况乎此  
槽可得而乘耶乃命以文梓爲船木蘭爲楫刻飛燕翔  
鶴飾於船首隨風輕漾畢景忘歸起商臺於池上  
鶴池在長安城西盤池在西北並廢  
水池在長安西舊圖云西有彪池亦名聖女泉蓋水彪  
聲相近傳說之訛也







三輔黃圖

(四)



三輔黃圖

朔

臺

周文在長安西北四十里詩序曰靈臺民始附也文王之命而人樂其有靈德以及鳥獸昆蟲焉鄭玄注云天子有靈臺者所以觀祲象察氛祥也文王受命而作邑于豐立靈臺詩曰經始靈臺庶民子來經之營之不日成之劉向新序云周文王作靈臺及為池沼掘得死人之骨吏以聞于文王文王曰更葬之吏曰此無主矣文王曰有天下者天下之主有一國者一國之主寡人者死人之主又何求主遂令吏以衣棺更葬之天下聞之皆曰文王賢矣澤及枯骨又况於人乎周靈臺高二丈周回百二十步漢靈臺在長安西北八里漢始曰清臺本為候者觀陰陽天文之變更名曰靈臺郭延生述征記曰長安宮南有靈臺高十五仞上有渾儀張衡所制又有相風銅鳥遇風乃動一曰長安靈臺上有相風銅鳥千里風至此鳥乃動又有銅表高八尺長一丈三尺廣尺二寸題云太初四年造

栢梁臺武帝元鼎二年春起此臺在長安城中北關內三輔舊事云以香栢為梁也帝嘗置酒其上詔群臣和詩七言詩者乃得上太初中臺災漸臺在未央宮太中高十丈漸浸也言為池水所漸又一說漸臺星

星以為臺名未央宮有滄池池中有漸臺王莽死於此

神明臺見建章宮

通天臺武帝元封二年作甘泉通天臺漢舊儀云通天者言此臺高通于天也漢武故事築通天臺於甘泉去地百餘丈望雲雨悉在其下望見長安城武帝時祭泰乙上通天臺舞八歲童女三百人祠祀招仙人祭泰乙云令人升通天臺以候天神天神既下祭所若大流星乃舉烽火而就竹宮望拜上有承露盤仙人掌擎玉杯以承雲表之露元鳳間自毀椽桷皆化為龍鳳從風雨飛去西京賦云通天眇而竦峙徑百常而莖擢上瓣華以交紛下刻隋其若削亦曰侯神臺又曰望仙臺以侯神明望神仙也

涼風臺在長安故城西建章宮北關輔記曰建章宮北作涼風臺積水為樓

長樂宮有魚池臺酒池臺秦始皇造又有著室臺鬪雞臺走狗臺壇臺漢韓信射臺又未央有果臺東西山二臺未央宮有鈎弋臺通靈臺開宮

望鵠臺眺蟾臺桂臺商臺辟風臺並見池

長楊榭在長楊宮秋冬較獵其下命武士搏射禽獸天子登此以觀焉臺上有木曰榭

辟離

周文王辟離在長安西北四十里亦曰璧離如璧之圓雍之以水象教化流行也詩曰於論鼓鍾於樂辟離毛

袁注云論思也水旋丘如辟廱以節觀者鄭玄注云文王作靈臺而知人之歸附作靈沼靈囿而知鳥獸之得其所以為音聲之道與政通故合樂以詳之

漢辟廱在長安西北七里漢書河間獻王來朝獻雅樂武帝對之三雍宮即此禮樂志曰成帝時犍為郡水濱得古磬十六枚劉向說帝宜興辟廱焉

### 明堂

周明堂明堂所以正四時出教化天子布政之宮也黃帝曰合宮堯曰衢室舜曰總章夏后曰世室殷人曰陽館周人曰明堂先儒舊說其制不同或曰明堂在國之陽大戴禮云明堂九室一室有四戶八牖凡三十六戶

七十二牖以茅蓋屋上圓下方援神契曰明堂上圓下方八窻四牖考工記云明堂五室稱九室者取象陽數也八牖者陰數也取象八風三十六戶牖取六甲之六六六三十六也上圓象天下方法地八窻印八牖也四闈者象四時四方也五室者象五行也皆无明文先儒以意釋之耳禮記明堂位曰朝諸侯于明堂之位天子負斧依南鄉而立明堂也者明諸侯之尊卑也制禮作樂頒度量而天下服知明堂是布政之宮也又孝經曰宗祀文王於明堂以配上帝則周有明堂也明矣

漢明堂在長安西南七里漢書曰武帝初即位嚮儒術以文學為本議立明堂於城南以朝諸侯應劭注云漢



武帝造明堂王莽修飾令大

漢書武帝建元元年議立明堂遣使者安車蒲輪東

南加璧微魯申公又郊祀志初天子封泰山泰山東北  
其制度濟南人公玉帶上黃帝時明堂圖明堂中有四  
殿四面無壁以茅蓋通水水圍宮垣為復道上有樓從  
西南入各曰崑崙崑崙天子從之入以拜祀上帝焉於是上  
令率高作明堂汶上如帶圖及是歲修封則祀太乙  
以二十六年天子坐合高皇帝祠坐對之祠封土於下房  
元封五年也本紀元封二年秋作明堂于泰山下五年  
春三月至泰山增封甲子祠高祖于明堂以配上帝伏  
甲子朔日冬至至祀上帝于明堂

圓立

漢圓立在昆明故渠南有漢故圓立今按高二丈周回

百二十步

大學

輔首王

漢大學在長安西北七里董仲舒策曰大學賢士之閔教化之本原也王莽作宰衡時建弟子舍萬區起市郭上林苑中三輔舊事云漢大學中有市有獄

宗廟

宗尊也廟貌也所以髣髴先人尊貌也漢立四廟祖宗廟異處不序昭穆大上皇廟在長安西北長安故城中香室街南鴻翔府北閔輔記曰在酒池北

高祖廟在長安西北故城中閔輔記曰秦廟中鍾四枚皆在漢高祖廟中三輔舊事云高廟鍾重十二萬斤漢舊儀云高祖廟鍾十枚各受十石撞之聲聞百里漢書文帝時盜取高廟玉環故事又云光武至長安宮闕以

宗廟燒蕩為墟乃徙都洛陽取十廟合於高廟作十二室大常卿一人別治長安主知高廟事高廟有便殿凡言便殿便室便坐者皆非正大之處所以就便安也○高園於陵上作之既有正寢以象平生正殿路寢也又立便殿於寢側以象休息閑宴之處也○孝惠更於渭北建高帝廟謂之原廟○惠帝廟在高帝廟後

文帝廟號顯成廟

孝文四年作顯成廟在長安城南文帝自為廟制度逼然若顯堂而成猶

文王靈其堂不日成之故曰顯成也

景帝廟號德陽宮

景帝中四年造德陽宮蓋帝自作之諱不言廟故号為宮故事云景帝造

德陽宮

武帝廟號龍淵今長安西茂陵東有其處作銅飛龍故

以冠名

武帝元光四年河決濮陽發卒十萬救河决起龍淵之宮取此為名武帝廟不言宮

昭帝廟號徘徊

宣帝廟號樂遊

在杜陵西北神爵三年宣帝立廟於曲池之北号樂游按其處則今呼樂遊園

是也因樂遊苑得名

元帝廟號長壽

成帝廟號陽池

太上皇

高祖父也有寢廟園原廟昭靈后

昭哀后

高祖母也皆有園孝惠皇帝有寢廟園孝文太后孝

昭太后皆有寢園衛思后

哀太子母皇祖悼考皆有廟園

父史廟曰奉明

元成之世祖宗廟在郡國者六十八合百六十七所京

師自高祖至宣帝與太上皇悼皇考各自居陵旁立廟并爲百七十六又園中各有寢便殿日祭於寢月祭於殿時祭於便殿寢日四上食廟歲二十五祠便殿四歲祠又月一遊衣冠四時祭宗廟用大牢到侯皆獻酎金以助祭

諸侯王及列侯歲時詣京師祠助祭

漢儀諸侯王歲以戶口酎

黃金於漢廟皇帝臨受獻黃金不如斤兩色惡王削縣侯免國注云因八月嘗酎會諸侯廟中出金助祭謂之酎金酎正月旦作酒八月成三重釀醇酒也味厚故以薦宗廟黃金黃金也不如法者奪爵又冊封諸王必於祖廟冊命之示不敢專也

武帝元亨六年夏四月乙巳九皇子闕爲齊王旦燕王胥廣陵

王於廟中冊命

漢制封皇子爲王者其實古諸侯也周末諸侯

或稱王而漢天子自以皇帝爲稱故以王號加之摠名爲諸侯王

新莽壞徹城西苑中建章承光包陽大臺儲元宮及平樂當路陽祿館凡十餘所取其材瓦以起九廟莽曰予卜波水之北郎池之南惟王食予又卜金水之南明堂之西亦惟王食予將親築於是遂營長安城南提封百頃莽又親舉築三下九廟一黃帝二虞帝三陳胡王四齊敬王五濟北愍王六濟南悼王七元成孺王八陽平頃王九新都顯王殿皆重屋大初祖廟東西南北各四十丈高十七丈餘廟半之爲銅櫺檻飾以金銀琀文窮極百工之巧帶高增下功費數百鉅萬卒徒死者數萬

南北郊

天郊在長安城南地郊在長安城北所屬掌治壇壝郊宮歲時供張以奉郊祀武帝定郊祀之事祠大一於甘泉園丘取象天形就陽位也祀后土於汾陰澤中方丘取象地形就陰位也至成帝徙泰畤后土于京師始祀上帝于長安南郊祀后土于長安北郊

社稷

漢初除秦社稷立漢社稷其後又立官社配以夏禹而不立官稷至平帝元始三年始立官稷於官社之後

祭祀志云黃圖載元始儀甚悉今本無合入元始四年辛衡莽奏曰帝天之義莫大於承天承天之序莫重於郊祀祭天於南就陽位祠地於北就陰位圓立象天方澤象地圓方因射南北從位潘濂升氣墜理就類牲欲  
蕭栗味尚清玄器成斃勺貴誠因質天地神所統故類乎上則禋于六宗望嶽山川班於羣神皇天后土隨王制聖王之制必上當天心下合地意中致人事故曰禮佛君子求福不回回而求福厥路不通正月泰卦乾坤合昧天地交通萬物聚出其律大簇天子親郊天地先土君不省方而使有司六宗日月星辰海星則祀后土即河山岱宗二光衆明山阜百川衆流滄汗卑澤以類相屬各數秩望相序於是定郊祀祀長安南北郊罷東祀

觀漢博士劉熹釋名曰觀觀也於上觀望也

豫章觀武帝造在昆明池中亦曰昆明觀又一說曰上林苑中有昆明池觀蓋武帝所置桓譚新論云元帝被疾遠求方士漢中送道士王仲都詔問所能對曰能忍寒乃以隆冬盛寒日令袒載駟馬於上林昆明池上環

以冰而御駟者厚衣狐裘寒戰而仲都無變色卧於池上曛然自若即此也

飛廉觀在上林武帝元封二年作飛廉神禽能致風氣者身似鹿頭如雀有角而蛇尾文如豹武帝命以銅鑄置觀上因以為名班固漢武故事曰公孫卿言神人見於東萊山欲見天子上於是幸緱氏登東萊留數日無所見惟見大人跡上怒公孫卿之無應卿懼誅乃因衛青白上云仙人可見而上往還以故不相值今陛下可為觀於緱氏則神人可致且仙人好樓居不極高顯神終不降也於是上於長安作飛廉觀高四十丈於甘泉作延壽觀亦如之後漢明帝永平五年至長安悉取

廉并銅馬置之西門外為平樂觀上悉銷以為錢

屬王觀在扶風屬王水鳥似鷓鴣以名觀也又曰屬王

似鴨而大長頸赤目紫紺色宣帝甘露二年十一月幸賓陽宮屬王觀

青梧觀在五柞宮之西觀亦有二梧桐樹下有石麒麟

二枚刊其脇文字是秦始皇驪山墓上物也頭高一丈

三尺東邊者前左脚折處有赤如血父老謂其有神皆

含血屬筋焉

射熊觀在長楊宮武帝好自擊熊司馬相如從至上林作賦諫楊雄亦長楊賦

石闕觀封巒觀雲陽宮記云宮東北有石門山剛巒糾

紛干霄秀出有石巖容數百人以上起甘泉觀甘泉賦云

封巒石闕引迤乎延屬

白楊觀在昆明池東

長平觀在池陽宮臨涇水

龍臺觀在豐水西北近滑

涿木觀在上林苑

細柳觀在長安西北三輔舊事曰漢文帝大將軍周亞夫軍於細柳今呼古徵是也

成山觀成王在東萊木夜縣於其上築宮闕以爲觀成

觀不在三輔例見宮室門

仙人觀霸昌觀蘭池觀安臺觀淪沮觀在城外又有禁

觀董賢觀蒼龍觀當市觀旗亭樓馬伯鸞樓在城內

麒麟朱鳥龍興含章皆館名

三輔黃圖卷之五

三輔黃圖卷之六

閣

石渠閣蕭何造其下礪石為渠以導水若今御溝因為閣名所藏入關所得秦之圖籍至於成帝又於此藏秘書焉

三輔故事曰石渠閣在未央宮殿北藏秘書之所

天祿閣藏典籍之所漢宮殿疏云天祿麒麟閣蕭何造以藏秘書處賢才也劉向於成帝之末校書天祿閣專精覃思夜有老人著黃衣植青藜杖叩閣而進見向暗中獨坐誦書老父乃吹杖端煙然因以見向授五行洪範之文恐詞說繁廣忘之乃裂裳及紳以記其言至曙而去請問姓名云我是太乙之精天帝聞卯金之子有

博學者下而觀焉乃出懷中竹牒有天文地圖之書曰余略授子焉至子歆從授其術向亦不悟此人焉

麒麟閣廟記云麒麟閣蕭何造漢書宣帝思股肱之美乃圖霍光等十一人於麒麟閣

三秦記云未央宮有堯閣廟記云未央宮有白虎閣屬車閣

署

虎威章滿皆署名漢有長水中壘屯騎虎賁越騎步兵射聲胡騎八營宿衛王宮周廬直宿廡

庫

武庫在未央宮蕭何造以藏兵器

靈金內府太上皇微時佩一刀長三尺上有銘字難識傳云殷高宗伐鬼方時所作也上皇遊豐沛山中寓居窮谷有人治鑄上皇息其旁問曰鑄何器工者笑曰爲天子鑄劍慎勿言曰得公佩劍雜而治之即成神器可克定天下昴星精爲輔佐木衰火盛此爲異兆上皇解匕首投爐中劍成殺三牲以饗祭之工問何時得此上皇曰秦昭襄王時余行陌上一野人授余云是殷時靈物工即持劍授上皇上皇以賜高祖高祖佩之斬白蛇是也及定天下藏於寶庫守藏者見白氣如雲出戶狀若龍蛇呂后改庫曰靈金藏惠帝即位以此庫貯禁兵器名曰靈金內府

倉

大倉蕭何造在長安城外東南文景節儉大倉之粟紅腐而不可食

細柳倉嘉倉在長安西渭水北古微西有細柳倉城東有嘉倉

廐

未央大廐在長安故城中漢官儀曰未央宮六廐長樂承華等廐今皆秩六百石

翠華廐大輅廐果馬廐軹梁廐騎馬廐大苑廐胡河廐駒駘廐皆在長安城外

霸昌觀馬廐在長安城外



都廡天子車馬所在  
中廡皇后車馬所在

園

秦獸園烈士傳云秦王召魏公子無忌不行使朱亥奉  
璧一雙詣秦秦王怒使置亥於獸園中亥瞋目視獸皆  
血濺於獸面獸不敢動

漢獸園九疑園一在未央宮中文帝問上林尉及馮媛  
當能皆此處獸園上有樓觀

橋

橫橋二輔舊事云至系造橫橋漢承秦制廣六丈二百八  
十步置都水令以掌手之號為石柱橋漢末董卓燒之

渭橋秦始皇造渭橋重不能勝乃刻石作力士孟賁等  
像祭之乃可動今石人在渭橋在長安北三

霸橋在長安東跨水作橋漢人送客至此橋折柳贈別  
王莽時霸橋災數千人以水沃救不滅爭謂橋為長存橋

便門橋武帝建元二年初作此橋在便門外跨渭水通  
茂陵長安城西門曰便門此橋與門對直因號便橋

飲馬橋在宣平城門外

陵墓漢諸陵皆屬太常令各依其地果屬三輔

漢太上皇陵高帝葬太上皇於櫟陽北原因置萬年縣  
於櫟陽大城內以為奉陵邑其陵在東者太上皇西者

昭靈后也高祖初居櫟陽故太上皇因在櫟陽十年大上皇崩葬北原

高祖長陵在渭水北去長安城三十五里按高祖本紀十二年四月甲辰崩于長樂宮五月葬長陵長陵山東西廣一百二十步高十三丈長陵城周七里百八十步因爲殿垣門四出及便殿掖庭諸官寺皆在中

呂后陵在高祖陵東按史記外戚世家高后合葬長陵注云漢帝后同塋則爲合葬不合陵也

惠帝安陵去長陵十里按本紀惠帝七年八月戊寅崩于未央宮葬安陵在長安城北三十五里安陵有果園鹿苑云

文帝霸陵在長安城東七十里因山爲藏不復起墳就其水名因以爲陵號

景帝陽陵在長安城東北四十五里按景帝五年作陽陵起邑陽陵山方百二十步高十丈

武帝茂陵在長安城西北八十里建元二年初置茂陵邑武帝自本槐里繇之茂鄉故曰茂陵周回三里二輔作陵也

舊事云武帝於槐里茂鄉徙戶一萬六千置茂陵高一十四丈一百步陵園有白鶴觀戶一萬六千本

昭帝平陵在長安西北七十里去茂陵十里帝初作壽陵令流水而已柳廣一丈二尺長二丈五尺無得起

墳陵東北作廡長三丈五步外爲小厨裁足祠祝萬年之後掃地而祭

宣帝杜陵在長安城南帝在民間時好遊鄠杜間故葬此

元帝渭陵在長安北五十六里

成帝延陵在扶風去長安六十二里一曰成帝於霸陵此步昌亭起壽陵

即武帝之廢陵也王莽時遣使壞渭陵延陵園門采愚曰毋使

民復思也又以墨色澆其周垣

安帝義陵在扶風渭城西北原上去長安四十六里

平帝康陵在長安北六十里興平原口

文帝母薄姬南陵在霸陵南故曰南陵即今所謂薄陵也

昭帝母趙婕妤雲陵在雲陽甘泉宮南今人呼為女陵

李夫人墓東西五十步南北六十步高八丈在茂陵西

北一里俗名英陵亦云集儂墓一曰高二十丈周二百六十步

王莽妻死葬渭陵長壽園偽謚曰孝穆皇后僭號億年

陵舊本云億年陵王莽妻死謚曰孝穆皇后葬渭城長壽園西陵曰億年

雜錄

漢宮中謂之禁中謂宮中門閣有禁非侍衛通籍之臣

不得妄入通籍謂記名於門通出入禁門也籍者為三尺竹牒記其年紀名字物色縣宮門案省相

得乃行道豹尾中亦視禁中謂天子出行道中則有儀衛豹尾至孝元

皇后父名禁避之改曰省中省祭也言出入禁中皆當

省祭不可妄也

鹵簿天子出車駕次第謂之鹵簿有大駕有法駕有小

駕大駕則公卿奉引大將軍參乘大僕御屬車八十一

乘古者諸侯二車九乘秦城六國兼其車服漢依秦制故大駕八十一乘屬者言相照屬不絕也作二

行尚書御史乘之備千乘萬騎出長安出祠天於甘泉

備之百官有其儀注名曰甘泉鹵簿法駕京兆尹奉引侍中叅乘奉車郎御屬車二十六乘北郊明堂則省副車小駕祠宗廟用之

清道謂天子將出或有齋祠先令道路掃灑清淨

靜室天子出入警蹕舊典行幸所至必遣靜室令先按

行清淨殿中以虞非常蔡邕獨斷曰天子所至曰幸幸者宜幸也世俗謂車駕所至臣

民被其暉以鹿辟故曰幸也

離宮天子出遊之宮也

行在所天子以四海爲家不以京師宮室居處爲常則

當乘車輿以行天下天子至尊臣下不敢牒讀言之車故託之於乘輿或謂之車駕

輿所至奏事皆曰行在

陛下陛下所由陞堂也天子必有近臣執兵階陛以戒不

虞臣下與天子言不敢指斥天子故呼在殿陛下以告

之故稱陛下因卑倅尊之意也上書亦如之如羣臣士

庶相與語曰閣下足下之屬

繡館漢宮闕疏云上林苑有繡館蓋蠶繭之所也

蠶室行腐刑之所也司馬遷下蠶室

鍾室在長樂宮高祖縛韓信置鍾室中

作室上方工作之所

長安御溝謂之揚溝謂值高揚於其上也

闕觀也周置兩觀以表宮門其上可居登之可以遠觀

故謂之觀人臣將朝至此則思其所闕

塾門外舍也臣來朝君至門外當就舍更熟詳所應對之事塾之言熟掖門在兩旁如人臂掖也

闈闈宮中小門也

求巷求長也宮中之長巷幽閉宮女之有罪者武帝時

改爲掖庭置獄焉

列女傳周宣王姜后脫替明侍罪才巷

蠻夷即在長城內漢街

漢街街名蠻夷即在街若今據疆銘

關中八水皆出入上林苑○霸水出藍田谷西北入渭

○澧水亦出藍田谷北至霸陵入霸○涇水出定安涇

陽開頭山東至陽陵入渭○渭水出隴西首陽縣烏鼠

同穴山東北至華陰入河○豐水出鄠南山豐谷北入

渭○鎬水在昆明池北○牢水出鄠縣西南入獠谷北

流入渭○漏水在杜陵從皇子陂西北流經昆明池入

渭

三輔黃圖卷之六



書名 三輔黃圖(全四冊)

出版 北京圖書館出版社(100034 北京市西城區文津街七號)

Tel: (010) 66126153 Fax: (010) 66174391

E-mail: Bfxhd@publibf.nlc.gov.cn

Website: www.nlcpress.com

造紙

華寶齋

印刷

杭州富陽古籍印刷廠

開本 八

印張 十七

版次 二〇〇二年十月第一版第一次印刷

印數 一—五〇〇

書號 ISBN 7-5013-1974-X/K-436

圖書在版編目(CIP)數據

三輔黃圖. —北京:北京圖書館出版社,2002.10  
(中華再造善本)

ISBN 7-5013-1974-X

I. 三… II. Ⅲ. 長安(歷史地名)—歷史地理  
IV. K928.6

中國版本圖書館CIP數據核字(2002)第078675號

ISBN 7-5013-1974-X



9 787501 319749 >



中國版本圖書館CIP數據核字(2002)第078675號

三輔黃圖(全四冊) Ⅲ. 長安(歷史地名)—歷史地理

ISBN 7-5013-1974-X

圖書在版編目(CIP)數據



